

## Član 11.

- У члану 21. иза става 1. додаје се нови став 2. који гласи:
2. До именовања фитосанитарних инспектора обавезну контролу пошиљки при увозу обављају:
    - a) у Федерацији Босне и Херцеговине гранични инспектори за заштиту биља,
    - b) у Републици Српској републички пољопривредни инспектори."

## Član 12.

(Ступање на снагу)

Овај закон ступа на снагу осмог дана од дана објављивања у "Службеном гласнику BiH".

Број 01.02-2-53/10

14. септембра 2011. године

Сарајево

Предсједавајући Представничког дома	Предсједавајући Дома народа
Парламентарне скupštine BiH	Парламентарне скупштине
Др Денис Бећировић, с. р.	Огњен Тадић, с. р.

**313**

На основу члана IV 4. a) Ustava Bosne i Hercegovine, Parlamentarna skupština Bosne i Hercegovine na 9. sjednici Predstavničkog doma, održanoj 8. septembra 2011. godine, i na 5. sjednici Doma naroda, održanoj 14. septembra 2011. godine, usvojila je

**ZAKON**
**O IZMJENAMA I DOPUNAMA ZAKONA O  
REGISTRACIJI PRAVNIH LICA KOJA OSNIVAJU  
INSTITUCIJE BOSNE I HERCEGOVINE**

## Član 1.

U Zakonu o registraciji pravnih lica koja osnivaju institucije Bosne i Hercegovine ("Službeni glasnik BiH", broj 37/03) u članu 1. riječi: "sastav i nadležnost Komisije za žalbe" brišu se.

## Član 2.

U članu 2. stavu 2. riječ "svojim" zamjenjuje se riječima: "osnivačkim aktom i".

## Član 3.

U članu 3. stavu 1. riječi: "civilnih poslova i komunikacija" zamjenjuju se riječju "pravde".

## Član 4.

Član 8. mijenja se i glasi:

## "Član 8.

1. Ministarstvo vodi postupak po zahtjevu za upis, izmjene i/ili dopune registracije i brisanje iz registra te donosi rješenje u roku 30 dana od dana podnošenja urednog zahtjeva, u skladu s odredbama ovog zakona i Zakona o upravnom postupku ("Službeni glasnik BiH", br. 29/02, 12/04, 88/07 i 93/09).
2. Ministarstvo će odbiti zahtjev za upis u registar, ako podnositelj zahtjeva nema status pravnog lica iz člana 1. ovog zakona.
3. Ako Ministarstvo u toku postupka utvrdi da zahtjev za upis, izmjene i/ili dopune registracije i brisanje iz registra sadrži formalni nedostatak koji sprečava postupanje po zahtjevu ili je zahtjev nerazumljiv ili nepotpun, te da podnositelj zahtjeva nije ispunio uslove predviđene ovim zakonom, na to će pisanim podneskom upozoriti podnositelja zahtjeva, radi otklanjanja nepravilnosti i nedostatka.
4. Podnositelju zahtjeva bit će omogućeno da ispravi ili dopuni zahtjev u roku osam dana od dana prijema podneska.
5. Ako podnositelj zahtjeva otkloni nedostatke u roku iz stava 4. ovog člana, smatrati će se da je zahtjev od početka bio uredan. Ako podnositelj ne otkloni nedostatke u roku iz stava 4. ovog člana, pa se zbog toga ne može postupati po zahtjevu, smatrati će se da zahtjev nije ni podnesen, o čemu

će Ministarstvo donijeti zaključak protiv kojeg se može izjaviti posebna žalba u roku 15 dana od dana dostavljanja zaključka."

## Član 5.

Član 9. briše se.

## Član 6.

U članu 12. stavu 1. riječi: "želi prestat" zamjenjuju se riječju "prestaje".

U stavu 2. izrajići "Ministarstva" zarez i rijeći: "na osnovu kojeg Ministarstvo donosi rješenje kojim se odobrava ili odbija brisanje iz Registroa" brišu se.

## Član 7.

Član 14. mijenja se i glasi:

## "Član 14.

1. Protiv rješenja Ministarstva donesenog u skladu s odredbama ovog zakona može se izjaviti žalba u roku 15 dana od dana prijema rješenja.
2. Žalba se izjavljuje Žalbenom vijeću pri Vijeću ministara Bosne i Hercegovine. Žalba odgadja izvršenje rješenja. Rješenje Žalbenog vijeća pri Vijeću ministara Bosne i Hercegovine je konačno, a protiv njega se može pokrenuti upravni spor pred Sudom Bosne i Hercegovine."

## Član 8.

U članu 16. stav 1. riječi: "Ministarstvo će kazniti" zamjenjuje se riječima: "kaznit će se".

U stavu 1. u tački c) riječi u zagradi: "član 13." zamjenjuju se riječima: "član 11.", u tački d) iza riječi "odredbama" dodaju se riječi: "osnivačkog akta," u tački e) iza riječi "odredbama" dodaju se riječi: "osnivačkog akta i", a riječi u zagradi: "član 13." zamjenjuju se riječima: "član 8".

U stavu 2. izrajići: "kaznit će se i" briše se preostali dio teksta, a umjesto brisanog dodaje se tekst koji glasi: "odgovorno fizičko lice u pravnim licima koja osnivaju institucije Bosne i Hercegovine".

Stav 3. briše se.

## Član 9.

Član 19. mijenja se i glasi:

## "Član 19.

1. Ministarstvo će u roku 90 dana od dana stupanja na snagu ovog zakona uskladiti odredbe Pravilnika o načinu vodenja registra pravnih lica koja osnivaju institucije Bosne i Hercegovine s odredbama ovog zakona.
2. Podzakonski akt iz stava 1. ovog člana objavljuje se u "Službenom glasniku BiH", službenim glasilima entiteta i Brčko Distrikta Bosne i Hercegovine."

## Član 10.

Ovaj zakon stupa na snagu osmog dana od dana objavljivanja u "Službenom glasniku BiH", a bit će objavljen i u "Službenim novinama Federacije BiH", "Službenom glasniku Republike Srpske" i "Službenom glasniku Brčko Distrikta Bosne i Hercegovine".

Broj 01.02-2-9-57/10

14. septembra 2011. godine

Sarajevo

Predsjedavajući Predstavničkog doma	Predsjedavajući Doma naroda
Parlamentarne skupštine BiH	Parlamentarne skupštine BiH
Dr. Denis Bećirović, s. r.	Ognjen Tadić, s. r.

Temeljem članka IV.4. a) Ustava Bosne i Hercegovine, Parlamentarna skupština Bosne i Hercegovine na 9. sjednici Zastupničkog doma, održanoj 8. rujna 2011. godine, i na 5. sjednici Doma naroda, održanoj 14. rujna 2011. godine, usvojila je